


Herman Hennep den Maggy's Diasabra



ORANJESTAD(AAN): Diasabra for di 10 or mainta y tambe parti y tambe parti merdia, e autor di e buki “Buscando Felicidad”, Herman Hennep lo ta den Maggy's pa bende, promove, firma y duna informacion riba e buki cu ya ta den su di 4 edicion.

E buki “**Buscando Felicidad**” a bin riba mercado na luna di maart y ya na juni, mester a publica e di dos edicion, y dos luna despues e di tres edicion, mientras cu actualmente ta trahando riba di 4 edicion di e buki.

Un buki sumamente exitoso basa riba storia di dos estudiante hoben cu a siña conoce otro pero prome cu nan amistad por a florece, a confronta problema riba diferente terreno.

Problema na cas, di Diego, despues henter familia di Lena a drenta hospital, complicacion cu a tuma lugar na hospital, sigui pa intriga di Chomon cu Cristina etc.

Den e buki ta lesa con nan ta resolve e problemanan, examen cu mester pasa, y despues di examen, nan enfrentamento cu futuro y pa logra nan meta.

E buki aki a masha popular tanto cerca mayornan como cerca hobennan. Tin temanan cu pa hopi ta tabu, pero cu mayornan y e hobennan por sinta delibera y combersa ariba, locual ta un di e exitonan tambe di e buki, facil pa lesa y na papiamento, y cu ademas no ta un buki diki.

E autor mes ta bisa cu “**mayornan mester siña scucha nan yiunan mihor y ripara e señalnan cu nan ta duna y hobennan mester persevera den pidi atencion di nan mayornan. si nan no por logra, semper ta bon pa busca un hende di confianza pa papia cune**”, un deseo cu e buki a contribui na dje tambe. por cumpra e buki diasabra y na mes momento Herman Hennep lo firma esaki tambe.